

թով, իր գնահատանքը հայտնեց Ֆրանսիայի իշխանություններին ու ժողովրդին՝ հայ ժողովրդին և հայոց պետությանը ցուցաբերվող աջակցության, ինչպես նաև Հայոց ցեղասպանության միջազգային ճանաչմանը բերվող զորակցության համար:

Զրույցի ընթացքում անդրադարձ եղավ նաև տարածաշրջանում առկա խնդիրներին, ԼՂՀ հակամարտության խաղաղ կարգավորման գործընթացին և Հայաստանի ներքաղաքական կյանքին: Խոսվեց նաև միջեկեղեցական ու միջկրոնական հարաբերությունների մասին:

Ն.Ս.Օ.Տ.Տ. ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԱՇԽԱՐՀԱՀՈՉԱԿ ԿՈՄՊՈԶԻՏՈՐԻՆ

Ապրիլի 10-ին Մայր Աթոռ Սուրբ Էջմիածնում Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսն ընդունեց աշխարհահռչակ կոմպոզիտոր և դիրիժոր Քշիշտոֆ Պենդերեցկուն:

Ողջունելով կոմպոզիտորի այցը Մայր Աթոռ՝ Նորին Սրբությունն իր խոսքում նշեց. *«Ձեր գործերին ծանոթ եմք և այսօր ուրախ եմք անձնապես ճանաչելու և բերելու Ձեզ Մեր գնահատանքը այն ծառայության համար, որ մատուցում եք ողջ մարդկությանը»:*

Իր հերթին Քշիշտոֆ Պենդերեցկին Նորին Սրբությանը ներկայացրեց իր ընտանիքի պատմությունը՝ անդրադառնալով հայկական արմատներին և մանկության հուշերին:

Հանդիպման ընթացքում խոսվեց նաև Պենդերեցկու ստեղծագործությունների մեջ հայոց հոգևոր երաժշտությանը առկա ոճային ընդհանրությունների ու երանգների մասին: Պրն Պենդերեցկին նաև հայկական հոգևոր երաժշտություն գրելու ցանկություն հայտնեց:

Վերջում մեծանուն կոմպոզիտորին Վեհափառ Հայրապետը ցանկացավ հաջողություններ ստեղծագործական կյանքում՝ մաղթելով, որ Սուրբ Էջմիածնի օրհնությունը միշտ ուղեկից լինի նրան:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՀԱՅԱՍՏԱՆՈՒՄ ԲՈՒԼՂԱՐԻԱՅԻ ԴԵՍՊԱՆԻՆ

Ապրիլի 17-ին Մայր Աթոռ Սուրբ Էջմիածնում Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Հայաստանի Հանրապետությունում Բուլղարիայի Հանրապետության դեսպան Տոդոր Ստայկովին:

Ողջունելով դեսպանի այցը Մայր Աթոռ՝ Վեհափառ Հայրապետն իր բարեմաղթանքները բերեց նորանշանակ դեսպանին: Նորին Սրբությունը գոհունակություն հայտնեց Հայաստանի և Բուլղարիայի միջև հարաբերությունների սերտացման և երկու ժողովուրդների միջև բարեկամության առավել ամրապնդման առիթով:

Ի դեմս դեսպանի Հայոց Հայրապետը նաև իր գնահատանքը հայտնեց Բուլղարիա-

յի իշխանություններին և ժողովրդին՝ բուլղարահայ համայնքի նկատմամբ դրսևորվող ջերմ և հոգատար վերաբերմունքի համար:

Հանդիպմանը խոսվեց նաև Հայ Առաքելական և Բուլղար Ուղղափառ Եկեղեցիների փոխհարաբերությունների մասին:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՀԲԸՄ ՆԱԽԱԳԱՀ ՊԵՐՃ ՍԵՂՐԱԿՅԱՆԻՆ

Ապրիլի 29-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Հայկական բարեգործական ընդհանուր միության կենտրոնական վարչության նախագահ Պերճ Սեղրակյանին:

Ողջունելով ՀԲԸՄ նախագահի հերթական այցը Հայաստան և Մայր Աթոռ Սուրբ Էջմիածին՝ Նորին Սրբությունը իր գնահատանքը հայտնեց պրն Սեղրակյանին բոլոր ազգանպաստ այն բարեգործական ծրագրերի համար, որ ՀԲԸՄ-ն իրականացնում է Հայաստանում և Սփյուռքում: Վեհափառ Հայրապետը նաև գոհունակություն հայտնեց Հայաստանյայց Առաքելական Սուրբ Եկեղեցու և ՀԲԸՄ-ի միջև առկա սերտ համագործակցության համար:

Իր հերթին ՀԲԸՄ նախագահ Պերճ Սեղրակյանը, մեծապես կարևորելով Եկեղեցու և ՀԲԸՄ-ի համագործակցությունը, վստահեցրեց, որ Հայկական բարեգործական ընդհանուր միությունը պիտի շարունակի գործվիզ լինել Մայր Աթոռ Սուրբ Էջմիածնին նրա ազգային-եկեղեցական առաքելության արդյունավետ իրագործման մեջ:

Հանդիպմանը անդրադարձ կատարվեց նաև ազգային կյանքը հուզող խնդիրներին, ի մասնավորի հայորդիների քրիստոնեական դաստիարակությանը և հայեցի կրթությանը առնչվող հարցերին: Վեհափառ Հայրապետն ու ՀԲԸՄ նախագահն ընդգծեցին համագործակցության կարևորությունը և անհրաժեշտությունը համատեղ ջանքերով հաղթահարելու աշխարհասփյուռ հայ ժողովրդի առջև ծառացած մարտահրավերները:

*ՄԱՅԸ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*